



Fylkesmannen i Hordaland

Sakshandsamar, innvalstelefon
Jørgen Aarø, 55 57 20 46
Rune Mikkelsen, 55 57 21 81

Vår dato
04.04.2013
Dykkar dato

Vår referanse
2013/4340 433.2
Dykkar referanse

Hans Haukås
Haukåsveien 135
5131 NYBORG

Løyve til utsetting av fjelledelgran og fraseredelgran til juletreproduksjon

Hans Haukås får løyve på bestemte vilkår til utsetting av fjelledelgran og fraseredelgran på gnr. 199 bnr. 6 i Bergen kommune.

Vi viser til søknaden vi mottok 21. mars 2013 om utsetting av fjelledelgran og fraseredelgran til juletreproduksjon på gnr. 199 bnr. 6 i Bergen kommune. Søknaden er vurdert i samarbeid mellom Fylkesmannen sin miljøvern- og klimaavdeling og landbruksavdelinga.

Saka er handsama etter forskrift av 25. mai 2012 nr. 460 om utsetting av utanlandske treslag til skogbruksføremål, med heimel i naturmangfaldlova. Dei miljørettslege prinsippa i naturmangfaldlova kapittel II ligg til grunn for sakshandsaminga.

Treslag og mengd

Søkjar har tenkt å plante fjelledelgran (*Abies lasiocarpa*) av proveniens Grassie Mountain og fraseredelgran (*Abies fraseri*) av proveniens Mt. Rogers, Virginia. Om lag 1500 fjelledelgran og 1000 fraseredelgran skal plantast i 2013 for å supplere i eit eksisterande juletrefelt på om lag 20 daa.

Fjelledelgran er plassert i risikokategorien *lav risiko* (LO) og er ikkje eit svartelista treslag, medan fraseredelgran ikkje er nemnd i publikasjonen *Fremmede arter i Norge – med norsk svarteliste 2012*¹.

Utsettingsområdet

Totalt har søkjar om lag 50 daa med etablerte juletrefelt på Haukås i Åsane. Plantinga i 2013 skal supplere innanfor eit etablert felt og vil ikkje legge beslag på nye område.

Det er i Naturbase og Artskart ikkje registrert sjeldne eller trua artar, naturtypar eller MiS-figurar² i utsettingsområdet eller tilgrensande til dette.

¹ Gederaas, L., Moen, T.L., Skjelseth, S. & Larsen, L.-K. (red.) 2012. *Fremmede arter i Norge – med norsk svarteliste 2012*. Artsdatabanken, Trondheim.

² MiS-figurar er registrerte naturelement i programmet Miljøregistreringar i Skog som er nytta i skogbruket.

Vurdering

Det omsøkte utsettingsområdet er i aktiv drift med juletreproduksjon og plantinga i 2013 skal supplere trea som allereie står i feltet. Det er ikkje registrert naturmangfald som krev særskilt omsyn i området eller i nærleiken til dette. Fjelledelgran er ikkje eit svartelista treslag, og alle trea skal hoggast før dei set frø, noko som minimerer spreidingsfaren til kringliggande område.

Vår vurdering er at saka er godt nok opplyst til å fatte eit vedtak jf. kravet til kunnskapsgrunnlaget og føre-var-prinsippet i naturmangfaldlova §§ 8 og 9. Vi kan ikkje sjå at produksjon av juletre på dei omsøkte arealet vil medføre uheldige følgjer for naturmangfaldet.

Sidan planting skal skje i eit etablert juletrefelt vil det ikkje medføre ytterlegare belastning på naturmangfaldet utover det som er tilfellet i dag, jf. naturmangfaldlova § 10 om økosystemtilnærming og samla belastning.

Etter naturmangfaldlova § 11 skal kostnadane ved å hindre eller avgrense skade på naturmangfaldet berast av tiltakshavar. Dersom brot på vilkåra i løyvet fører til skade på stadeige naturmangfald må tiltakshavar bere kostnadane for å rette opp i dette.

Val av driftsmetodar og teknikkar skal etter § 12 ta best mogleg omsyn til naturmiljøet, slik at resultatet gjev dei beste samfunnsmessige resultata. Utover dei føringar som følgjer av anna lovverk, som til dømes for bruk av sprøytemiddel, har vi ikkje spesielle merknadar til dette i denne saka.

Vedtak

Hans Haukås får løyve til å sette ut 1500 fjelledelgran og 1000 fraseredelgran i 2013 på gnr. 199 bnr. 6 i Bergen kommune på følgjande vilkår:

- Løyvet gjeld for det omsøkte området i kartvedlegget.
- Trea må hoggast før dei set frø.
- Rutinar for å sikre hogst før frøsetting må verte etablerte, og dokumentasjon på dette må visast fram ved eventuelle tilsyn.
- Dette dokumentet må gjerast kjend og overført til ny grunneigar ved eventuelt eigarskifte.
- Dersom juletreproduksjon på eigedomen vert avvikla må trea hoggast.

Klageadgang

Vedtaket kan påklagast innan tre veker, jf. forvaltningslova §§ 28 og 29. Klaga skal stilast til Direktoratet for naturforvaltning, men sendast til Fylkesmannen i Hordaland, jf. forvaltningslova § 32.

NB!

Eit løyve gitt i medhald av forskrift om utsetting av utanlandske treslag til skogbruksføremål gir ikkje automatisk omdisponering av arealet til skogbruk. Dersom det ikkje er søkt om omdisponering av arealet må du kontakte kommunen.

Med helsing

Stein Byrkjeland e.f.
seniorrådgjevar

Jørgen Aarø
rådgjevar

Brevet er godkjent elektronisk og har derfor inga underskrift.

Kopimottakarar

Direktoratet for naturforvaltning (DN)	Postboks 5672 Sluppen	7485	Trondheim
Bergen kommune	Postboks 7700	5020	Bergen
WWF			
SABIMA			